



武  
82  
37



# 腎



錢腎主虛 無實也惟瘡疹腎實則黑陷 兒本虛怯由胎氣不成則神不足目中白睛多其顛則解凶開面色眊白此皆難養縱長不過八八之數若恣色慾不及四旬而亡或有因病而致腎虛者非也又腎氣不足則下竄蓋骨重惟欲墜下而身縮也腎者陰也腎虛則畏明皆宜補腎地黃丸主之心氣熱則上竄宜導赤散腎氣虛則下竄宜地黃丸是也腎病見夏水勝火腎勝心也當治腎輕者腎病退重者悸動當攝 潔腎主寒自病則

足脛寒而逆人之五臟惟腎無實小兒瘡疹變黑陷  
則是腎實水尅退心火 心乘腎微邪內熱不惡寒  
桂枝湯主之 肺乘腎虛邪喘嗽皮冷寒百部丸主  
之 肝乘腎實邪拘急氣搐身寒理中丸主之 脾  
乘腎賊邪體重泄瀉身寒理中丸主之 劉五行之  
中惟有腎之一臟毋盛而子反受邪何則肺屬金射  
於皮毛所主者氣腎屬水主於骨髓所藏者精氣之  
輕浮能上而不能下精之沉重能下而不能上此物  
性之自然今肺之盛蓋熱之作也熱上蒸於肺則不  
能下生於腎而腎受邪矣急服涼藥解之使肺氣清

和而後可此腎病必先求之於肺若肺臟安和而腎  
忽然受病者不過脾之濕相刑於腎而生疾所以有  
解肺熱去脾邪兩藥若脾肺兩臟俱和而腎自生疾  
亦察其本臟而治之 薛下竄等證足不喜覆者蓋  
腰以下皆腎所主乃心氣下行於腎部也法用地黃  
丸壯腎水以制心火若因脾肺虛而不能生腎水者  
用補中益氣湯六味地黃丸以滋化源其瘡疹黑陷  
乃腎虛而邪氣實也尤當用地黃丸

地黃丸錢氏  
熟乾地黃捌錢 山茱萸肉 乾山藥各肆錢

澤瀉

牡丹皮

白茯苓去皮各參錢

右為末煉蜜和丸如桐子大三歲已下一二至三丸空心溫水化下

垣或問錢氏地黄丸補腎又曰補肝何也曰然手厥陰心主包絡足厥陰肝經俱治在下焦經云不足者滋其化原故肝腎之病同一治法此地黄丸補二經之意也海藏云若加五味為腎氣丸此滋肺之源以生腎水

薛前九治腎肝血虛燥熱作渴小便淋秘痰氣上壅或風客淫氣癰癥結核或四肢發搐眼目瞶動

或咳嗽吐血頭目眩暈或咽喉燥痛口舌瘡裂或自汗盜汗便血諸血或稟賦不足肢體瘦弱解顛失音或畏明下窳五遲五軟腎疝疝疝或早近女色精血虧耗五臟齊損凡屬腎肝諸虛不足之證宜用此以滋化原其功不可盡述

海腎實須澤瀉瀉之腎本無實不可瀉錢氏止有補腎地黄丸無瀉腎之藥治脉洪而實錢氏地黄丸加生地黄去山茱萸是也此治左手本部脉實若右尺洪實以鳳髓丹瀉之鳳髓丹方見雜病遺精門

夫者近得地不... 正氣正神... 血虧血短... 氣不足也... 腦髓虛而... 頤不合此... 由... 兼補...

**解顱頤陷頤填總論**

萬全方云小兒有解顱候有頤不合候有頤陷候此  
 三者大同而小異也解顱者謂小兒年長頤應合而  
 不合頭顱開解也腎主骨髓而腦為髓海腎氣不成  
 則髓海不足故骨縫開解也其頤不合與頤陷雖因  
 臟腑有熱熱氣上衝致頤或不合或陷然亦本於腎  
 氣不足也 薛腎主骨骨氣實則腦髓充而頤早合  
 骨脉盛而齒早生腎氣怯則腦髓虛而頤不合此由  
 父母精血不足宜用地黃丸補之若在乳下當兼補

其母更以軟帛緊束其首使其易合皆虛火上衝當  
 調補脾腎為善頤填頤陷亦因所稟腎氣不足及乳  
 哺失宜脾胃虧損所致夫脾主肌肉氣逆上衝而為  
 填脹元氣下陷而為頤陷也並用補中益氣湯地黃  
 丸及用狗頭骨炙黃為末以雞子清調敷頤門亦有  
 瀉利氣血虛脾胃不能上充者亦用前法若手足並  
 冷前湯加薑桂未應虛寒甚也急加附子緩則多致  
 不救  
 張奐嬰兒解頤頤不合頤填頤陷下不平皆由腎經  
 虛熱宜用封頤散方

蛇蛻皮 壹兩燒 防風

川大黃 濕紙裏炒

白芨 各半

右件碾為細末入青黛半兩同研勻每用半錢以  
 獾豬膽汁調勻用一紙頤子攤之四邊回合各留  
 少白紙用淡生醋麵糊貼頤上不住以溫水潤動  
 一伏時換

白芨神  
川大黃  
...

# 解頤 頤不合

初虞世云父精不足則解頤眼白多 錢解頤生下而頤不合腎氣不成故也長必少笑更有目白睛多 眊白色瘦者多愁少喜也餘見腎虛 湯解頤者頤大頭縫不合如開解故曰解頤此由腎氣不成故也 前云見總論 凡得此者不過十日其間亦有數歲者乃廢人也人之無腦髓如木無根古人雖有良方吾所以不錄者勞而無功也亦不可束手待斃宜依錢氏補腎萬一有可生之理 錢氏補腎如地黃 曾凡得此

解頤

力

...



候不及千白之內間有數歲者偶因他疾攻激遂成  
廢人若氣色精明能飲食者多服調元散補腎地黄  
丸旬月內頗見效者次第調理或有可治若投藥後  
如故亦難療矣 田解顱治法宜用生地散 丹小  
兒解顱乃是母氣血虛與熱多耳用四君子四物有  
熱加酒炒黃連生甘草煎服外以絲束緊用白欬末  
傳之

氏地黄丸 見前并  
鶴節條

三南星散 治顱開不合鼻塞不通天南星大者微  
泡去皮為細末米醋塗調緋帛上貼顱上炙手頻

熨之立効

調元散 主治稟受元氣不足顱顱開解肌肉消瘦腹  
大如腫致語遲行遲手足如筒神色昏慢齒生遲  
服之効

乾山藥 去黑皮  
伍錢 人參 去蘆 白茯苓 去皮

茯苓 去皮 白朮 白芍藥

熟地黄 酒洗 當歸 酒洗 黃芪 蜜水炙各  
貳錢半

川芎 甘草 炙貳味  
各叁錢 石菖蒲 貳錢

右碎每服二錢水一盞薑二片棗一枚煎七分無  
時溫服如嬰兒幼嫩與乳母同服

張煥玉乳丹

治嬰兒頭骨應合而不合頭縫開解

鍾乳粉

依古法製煉者 栢子仁

熟乾地黄

依法蒸焙者

當歸

洗焙乾

防風

剉

補骨脂

淨揀微炒

或加黃耆茯苓

右件除別研者碾為細末次入鍾乳粉等拌勻煉

蜜和如黍米大每服十粒煎茴香湯下乳食前

嬰孺方狗腦丸

治小兒腦長喜搖頭解顱

狗腦

壹箇

材漆

即五加皮

甘草

白朮

防風

鍾乳石

乾地黄

各壹分

牛黃

貳分

右以狗腦丸小豆大一歲飲下二九日再未知加

之又云兒顱常令暖冷即病死

小兒銅顱藥

芍藥粉

右取黃雌雞臨兒顱上刺其冠以血滴顱上血止

以芍藥粉傅之使血不見一日立差

治小兒解顱虎骨方

虎骨

敗龜板

不灰木

乳香 各半兩

右為末用生豬血於手心內調塗在頭縫開處以

舊蘇子包裹七日第八日以葱湯水洗去前藥再用此藥塗之經年者已減一分又歇三日方再用藥塗之又服參苓散

人參 茯苓 白附子炮

羌活 甘草炙 芍藥 白朮水煎各壹分 犀角屑 京芎

右為末每服半錢水一盞用少金銀同薄荷三葉煎至三分溫服通驚氣千金治小兒頭開不合方

防風壹兩半 栝子仁 白芨各壹兩

右三味末之以乳和傅頤上十日知二十日愈日莊氏家傳方治腦縫不合

山茵陳壹兩 車前子 百合各半兩

右為末用烏牛乳汁調塗脚及腦縫上用帛子裹頭三日一換五上必效而小合頭骨開也各白無王氏封頤散治頤開不合頭縫開張頤開崎陷咳嗽鼻塞

栝子仁壹兩 防風壹兩 天南星各肆兩

右為細末每用一錢以豬膽汁調勻稀稠得所攤在緋絹帛上看顛子大小剪貼一日一換不得令乾時時以湯潤動

三辛散治小兒骨應合而不合頭骨開也名曰解顛

細辛

桂心各半兩

乾薑各半兩

右為末以薑汁和傳顛上貼之兒面赤即愈

又方用蛇蛻炒焦為末用猪頰車中髓調傳頂上日三四度曾有入作頭巾裏遮護之火而自合亦良法也

灸法臍上臍下各五分各灸三壯灸瘡未發先合

角虛  
玄和丸

夫此丸上劑不各正合各處三出各處未各合

# 頤陷

巢氏云小兒臟腑有熱渴引水漿致成泄利久則血氣虛弱不能上充腦髓故頤陷如坑不能平滿也聖濟用當歸散方見腹痛地黃丸見前

曾頤陷者虛之極也胃氣虛寒則頤陷慢驚中有之胃寒脾困吐瀉者為虛極急以金液丹固真湯俱慢驚及諸救元等藥治之外則貼以烏附膏有後枕陷者其證尤重治法以頤陷藥同不效亦為難療此大虛極百無一活耳

頤陷  
百無一活耳

烏附膏 理頤門陷

綿川烏 生用 綿附子 生用各伍錢 雄黃 貳錢

右件為末用生葱和根葉細切爛杵入前藥末同

煎空心作成膏貼陷處

聖惠生乾地黄散 治小兒臟腑壅熱氣血不榮致

頤陷不平者

生乾地黄 貳兩 烏雞骨 壹兩酥塗

右搗細羅為末不計時候以粥飲調下半錢

又治小兒頤陷方

右取豬牙車骨髓煎如膏塗頤上良

又方以狗頭骨炙令黃擣羅為末以雞子清調塗

又方以天靈蓋炙令黃擣羅為末以生油調塗

千金小兒頤陷灸臍上下各半寸及鳩尾骨端又足

太陰各一壯

卷之九

頤填者頤門腫起也脾主肌肉乳哺不常饑飽無度  
或寒或熱乘於脾家致使臟腑不調其氣上衝為之  
填脹頤突而高如物堆起自汗出毛髮黃而短是也  
若寒氣上衝則年鞞音昂履頭也腫如履頭突起熱氣上衝即柔  
軟又小兒脇下有積者咳且啼而氣上逆者啼甚久  
其氣未定因而乳之者肝氣盛風熱上衝者皆能令  
頤填當一一審其因而治之寒者溫之熱者涼之氣  
上逆者和而降之肝氣盛者瀉青為主熱證裏多大

# 頤填

頤填者頤門腫起也脾主肌肉乳哺不常饑飽無度  
或寒或熱乘於脾家致使臟腑不調其氣上衝為之  
填脹頤突而高如物堆起自汗出毛髮黃而短是也  
若寒氣上衝則年鞞音昂履頭也腫如履頭突起熱氣上衝即柔  
軟又小兒脇下有積者咳且啼而氣上逆者啼甚久  
其氣未定因而乳之者肝氣盛風熱上衝者皆能令  
頤填當一一審其因而治之寒者溫之熱者涼之氣  
上逆者和而降之肝氣盛者瀉青為主熱證裏多大

頤填

卷之九

百七

連翹湯表多柴胡散虛者以補中益氣湯送下地黃  
丸神而明之存乎其人言不盡意曾世言頤腫皆  
以為熱殊不知有陰陽二證切宜詳辨堅硬為陰紅  
軟為陽故嬰孩寶書云寒氣上衝則牢鞞熱氣上衝  
則柔軟正此之謂若陰證以勻氣散理中湯主之陽  
證用玉露飲當歸散防風湯為治玉環集歌曰頤  
門腫起定為風此候應須也不中或若加玃如蓋足  
七日之間命必終石壁經歌曰積聚脾中熱不通  
致令面赤口唇紅習高夜嗽多臙脹休使流傳肺有  
風疾裏作聲涎上壅頤門腫起熱來衝但教涼膈安

靈腑能使三朝速有功積有冷熱皆能作腫冷則  
糞白或酸臭氣衝入亦有蟲出其食物皆不能化腹  
脹滿而多困喉中亦鳴也熱則使多渴其糞赤面色  
亦黃赤口內臭氣亦蟲出各看其證候調治且須分  
水穀去積并調氣冷則溫脾胃熱則去其熱化涎止  
渴頤隱則冷也腫則熱也積熱頤虛腫宜將時氣  
門中三十六種除濕散濃煎桑白皮湯下形證論  
云肺熱生風涎鳴頤腫將白丁香膏一二服或南星  
丸一二服便退秘要指迷論方凡小兒生下一月  
日內或頤門腫此乃受胎熱氣即用黃礬膏塗於足



心湧泉穴如陷即用半夏膏塗手心此乃嬰兒腎流  
受冷氣邪于心致令病生黃檗半夏皆為  
末皆冷水調貼

# 行遲

髓虛  
則溫  
補之

巢兒自變蒸至能言隨日數血脉骨節備髓骨成即  
能行骨是髓養稟生氣血不足者髓不充強故骨不  
成數歲不能行 張凡兒生至周歲二百六十日膝  
骨成乃能行近世小兒多因父母氣血虛弱故令胎  
氣不強骨氣軟弱筋脉無力不能行步麝茸丹主之  
曾經太効

腎

湯小兒稟受血氣不足者則髓不滿骨故軟弱而不  
能行腎主髓治法當用錢氏補腎地黄丸加鹿茸五

行通  
加皮麝香則隨生而骨強自然行矣外甥黃知錄之  
子三歲不能行遂合此方服之有驗

張麝茸丹 治數歲不能行

麝香 別研 茄茸 酥炙黃 生乾地黄

虎脛骨 酥塗炙黃 當歸 洗焙乾 黃芪 剉

右件各壹兩為細末用羊髓肆兩煮爛和成膏如

黍米大每服十粒摩沉香湯下乳食前日三服

肝腎 錢 羚羊角丸 治小兒腎虛或病後筋骨弱五六歲

不能行宜補益肝腎

羚羊角 尖細而節密者錯取末 虎脛骨 敲破

生乾地黄 焙 酸棗仁 去皮炒 白茯苓 各半

桂 去皮取有味處不見火 防風 去蘆頭切焙 當歸 同上

黃芪 切焙各錢半

右同為細末煉蜜和成劑每服一阜子大兒大者

加之食前溫水化下日三四服久服取效

聖惠生乾地黄丸 治兒十歲不行

生地黄 當歸 焙 防風

酸棗仁 微炒 赤茯苓 黃芪

芎藭 羚羊角 羌活

甘草 炙微赤 桂心 各等分

右擣羅蜜丸如菘豆大食前温酒下十九量兒加減

虎骨散

虎脛骨 酒炙

生乾地黄

酸棗仁 酒浸去

辣桂 去皮

白茯苓 去皮

防風 去蘆義

當歸 去蘆

川芎

牛膝 酒浸去蘆 各等分

右為極細末每服壹錢半以粥飲調次入好酒二滴再調食前服且二方用煉蜜丸如黍米大木瓜湯下

三因五加皮散治小兒三歲不能行者由受氣不足

骨熱則涼解之

體力虛怯腰脊脚膝筋骨軟足故不能行用真五加皮為末粥飲調次入好酒少許每服一栗殼許日三服効一方五加皮貳錢半木瓜壹錢貳分半為極細末用粥飲入酒二滴調服

寶鑑兒骨熱肺脉寒長不能行 顛顛兒自小傷抱脚纖細無力行立不得或骨熱疳勞肌肉消瘦宜服柴胡飲

柴胡

鼈甲 米醋塗炙黃

知母

桔梗

枳殼 炒去穢蘇

玄參

升麻

右件各等分細剉三歲已下藥半兩水五合煎二  
合分二服空心食前後忌毒物 服後澡浴

苦參

茯苓皮

蒼朮

桑白皮

白礬各半

蔥白少許

右剉沸水二升浸藥一兩通與兒浴温處避風

雜方

千金治數歲不行方

葬家未開戶盜食與哺日三便行翼云未開戶嬰

寶鑑灸兩足踝各三壯

刊骨

良方左經丸 治筋骨諸疾手足不隨不能行步運

動

草烏頭生肉白者

木鼈去殼

白膠香

五靈脂各參

當歸壹兩

蟹螯去翅足壹斤

右為末黑豆去皮生杵粉一斤醋糊丸雞頭實大

酒磨下一丸不曾針灸傷筋絡者四五丸必效十

歲兒一丸分三服此藥能通榮衛導經絡專治心

腎肝三經服後小便少淋瀝乃其驗也 按此方

非內有汚血痼積不宜用

丁時發治大人小兒剉骨行步艱難脚無力續命丹

防風

乳香

蔓荊子

牛膝

酸棗仁

白朮

胡麻炒

川烏頭去皮

右為細末蜜丸小彈大每服一丸煎酒細嚼一日

三五服用後洗藥服藥三百方洗

草烏頭

木鼈子

葱鬚

麻黃

草烏頭去皮

茯苓各貳錢半

當歸

黃芪各肆錢

續斷各半兩

天麻酒煮

當歸

紫貝艸

荆芥各壹兩

羚羊角

沒藥

蒺藜壹錢貳分半

地龍

椒目

熏藥方

為末煎湯露脚指甲從上淋洗次用熏法

柴胡

吳茱萸

末黑豆三升熱水泡少頃去黑豆入前藥煮益盛

熏到閃處令出骨中汗

草烏頭

羌活

晚蠶沙各壹兩

赤小豆

行遲  
 齒遲  
 齒者骨之所終而隨之所養也小兒稟受腎氣不足不能上營而髓虛不能充於骨又安能及齒故齒久不生也地黃丸主之  
 一  
 小兒三歲言步未能齒髮尤少體瘦艱立發熱作渴服肥兒丸不應余曰此腎虛疳證也蓋肥兒丸脾胃經之藥久服則腎益虛其疳益甚不信牙髮漸落余用地黃丸加鹿茸五味子半載而元氣壯健  
 一  
 小兒體瘦腿細行步艱辛齒不堅固髮稀短少用六味地黃丸補中益氣湯年餘

# 齒遲

甘草 參 苓 朮 白 芍 熟 地 黃 山 藥 杜 仲 鹿 茸 五 味 子

齒者骨之所終而隨之所養也小兒稟受腎氣不足不能上營而髓虛不能充於骨又安能及齒故齒久不生也地黃丸主之  
 一  
 小兒三歲言步未能齒髮尤少體瘦艱立發熱作渴服肥兒丸不應余曰此腎虛疳證也蓋肥兒丸脾胃經之藥久服則腎益虛其疳益甚不信牙髮漸落余用地黃丸加鹿茸五味子半載而元氣壯健  
 一  
 小兒體瘦腿細行步艱辛齒不堅固髮稀短少用六味地黃丸補中益氣湯年餘

諸證悉愈形體壯實

張煥香附丹 治齒不生

大香附子 揀淨刮去皮

雄鼠糞 燒灰 乾蟾 燒灰

沉香 各壹兩 檳榔 各半兩

右件搗羅為細末用羊髓四兩煮爛和成膏如黍米大每服十粒麝香湯下量兒大小加減

湯氏芩黃散 治小兒齒不生

大川芎 生地黄 各半兩 山藥

當歸 甘草 各壹分

右焙為末熱湯調服或時以藥末擦齒齦

千金翼方 溺坑中竹木主小兒齒不生正旦刮塗

之即生

外臺小品又方 取雌鼠屎三七枚以一枚拭齒根

處盡此止二十一日齒當生雌鼠屎頭尖是也千金

同楊氏產乳方用三十枚仍云雌糞用兩頭圓

者是

聖惠治小兒齒不生或因落不生方

右取牛糞中黑豆二七枚小開去頭上皮以此豆

頭開處注齒根上時時用之當效也

# 髮遲

巢氏云足少陰為腎之經其華在髮小兒有稟性少陰之血氣不足即髮疎薄不生亦有因頭瘡而禿落不生者皆由傷損其血血氣損少不能榮於髮也

芎勝丹方張治髮不生

當歸

洗焙

生乾地黄

芍藥

各壹兩

已上搗羅為細末次用

芎勝

壹合研

胡粉

半兩細研

右件同研勻煉蜜和如黍米大每服十粒煎黑豆



湯下兼化塗搽頭上無妨量兒大小加減

千金治少小頭不生髮以楸葉搗取汁傳頭上立生

又方 燒鯽魚灰末以醬汁和傳

千金翼治髮薄不生方

先以醋泔清洗禿處以生布揩令火熱臘月豬脂

并細研鐵生煎三沸塗之日三遍

本草醜氣水主長毛髮以物於炊飯時承取沐頭

令髮長密黑潤不能多得朝朝梳小兒頭漸漸覺

有益好

小兒白禿髮不生擣榆皮末苦酒調塗

聖惠生髮神效黑豆膏 治小兒腦疳頭髮連根作

穗子脫落不生兼瘡白禿髮不生者並用生髮

黑豆

苣勝

訶黎勒皮

各壹兩

右件藥搗羅為末以水拌令勻內於竹筒中以亂

髮塞口用塘灰內煨取油貯於瓷器中先以米泔

皁茨湯洗頭拭乾塗之日再用十日髮生

又方

葛根末

豬脂

羊脂

各貳兩

右件藥入銚子內以慢火熬成膏收於瓷合中每

取一錢塗摩頭上日再用不過五七度效

髮通

幼科九

香齋煎

治小兒白禿不生髮燥痛

陳香齋

貳兩

胡粉

壹兩

豬脂

半兩

右件藥以水一大盞煎香齋取汁三分去滓入胡粉豬脂相和令勻塗於頭上日再用之

聖惠治小兒頭禿不生髮苦痒蔓菁散

右取蔓菁子搗為末以豬脂調塗於禿處佳

又方貫衆燒灰細研油調傅

又方麻子一升熬黑壓取脂傅頭上良

又方鹽湯洗過生油和蒲葦灰傅之鴈脂熊白

桃葉汁皆可塗 鷄子黃熬取汁塗

# 髮黃

巢氏云足少陰腎經其血氣華於髮若血氣不足則

不能潤悅於髮故髮黃也 錢氏曰小兒長大不行

行則脚細齒久不生則不固髮久不生則不黑

皆屬氣血虛也宜大劑補之

千金翼髮黃方

臘月豬脂和羊屎灰蒲灰等分傅之三百一為取

黑止

又方以醋煮大豆爛去豆煎令稠塗髮

又方 熊脂塗髮梳之散頭牀底伏地一食頃即出  
形盡當黑用之不過一升

安師傳治小兒髮黃極妙方

破故紙不計多少銀石器中燉火炒熟為細末用  
地黃汁煎成膏和為丸菉豆大每服十五二十九  
鹽湯送下食前

髮黃

齒

**齒痛** 清胃散 治胃火牙痛或連頭面

升麻 伍分 生地黃 牡丹皮

黃連 炒 當歸 各叁分

右水煎服加柴胡山梔即加味清胃散 愚按前  
方治脾胃實火作渴口舌生瘡或唇口腫痛齒齦  
潰爛焮連頭面或惡寒發熱或重舌馬牙吐舌流  
涎等證子母並宜服之若因脾胃氣虛寒涼剋伐  
或虛熱上行口舌生瘡弄舌發熱飲食少思或嘔

吐困睡大便不實流涎齟爛者用五味異功散

張煥藁本散 治卒齒痛

藁本

白附子

川芎

莽草

各半兩並搗羅為細末次用

青黛

蘆薈

麝香

各壹錢研細

右件都再研勻每用一字塗指患處

雄黃丸

治小兒牙齒黑蛙氣息疼痛

雄黃

貳錢

麝香

半錢

右為細末軟飯和為挺子安在牙內

齒縫出血

外臺肘後用蚯蚓糞水和作團以火燒令

極赤末之如粉以臘月豬脂和傅齒斷上日三

差

茅先生治小兒牙齒縫出血方

苦參

末壹兩

白礬

灰壹錢

右為末一日三次措牙上立驗也

張銳雞峰方

治齒間血出

右以苦竹葉不以多少水濃煎取汁入鹽少許寒温得所含之冷即吐了

又方 右用童子小便半升分為三兩次含之冷即吐了

吐了

莊氏麝香散 治小兒唇口臭爛齒斷宜露

麝香

雄黃生

蘆薈

白龍骨

各壹錢

蜜陀僧貳錢

石膽半兩

乾蟾

壹枚重半兩者入餅燒存性

右合研令極勻細先用綿子纏筋頭上以鹽糝漿

水輕輕洗過然後上藥

**齒齲腫痛千金翼方**

生地黄

獨活各叁兩

右二味切以酒漬一宿含之

又方 常以白鹽末封齒斷上日三夜一

又方 扣齒三百下日一夜一即終身不發至老不

病齒

又治齒牙根搖欲落方

右以生地黄大者一寸綿裹着牙上嚼嚙汁盡

去之日三即愈可十日含之更不發也

又齒根腫方

松葉壹握

鹽壹合

好酒叁升

右三味煎取一升含之

治齒根空腫痛困斃無聊賴方

獨活肆兩

酒叁升

右二味於器中漬之，燂火煨之，令暖稍稍沸得半，去滓，熱含之，不過四五度。

又方 燒松柏槐枝，令熟，柱病齒孔，須臾蟲緣枝出。

又治牙斷疼痛方

杏仁壹百枚 去皮 尖及雙仁者

鹽末方寸一

右二味以水一升煮，令沫出，含之，味盡吐却，更含，不過再三差。

養生必用治小兒牙方

牛蒡子炒香 壹分 乳香壹錢

右為末，入白麵少許，溫水調塗。

又方 用大鵬砂研細，水化雞羽掃

**齒齲** 巢氏云：手陽明足太陽之脈，並入於齒。風氣入其經脈，與血氣相搏，齒即腫痛，膿汁出，謂之風齲。千金翼治齒齲方

右切白馬懸蹄，可孔塞之，不過三度。聖惠方 用夜眼

聖惠蝦蟆散 治小兒齒痛風齲連頰微腫

乾蝦蟆壹枚 青黛細研 柑子皮

白雞糞 薰黃已上各 壹分

麝香細研 乾薑炮裂 剉 各半分

右件藥搗細羅為散，都研令勻，以薄綿裹少許，內

齧齒孔中口一易之

又方

白附子

藜木

細辛

芎藭

莽草已上各壹兩

右件藥搗細羅為散以薄絲裹少許着齧齒上

治小兒齧齒風疼及蟲蝕疼痛方

乾蝦蟇壹枚燒灰

青黛壹分

蘆薈半分

右件藥同研令細以生地黄熬作膏塗於齒上

治小兒風齧齒痛及蟲蝕疼痛黑爛方

青黛細研

雞糞白燒灰

藜木

細辛

雄黃細研各壹分

麝香少許細研

右件藥搗羅令細同研令勻旋取少許傳於齒上

又方以郁李根白皮五兩剉以水一大盞半煎取

一盞熟含冷吐之當吐蟲出

又方以皂莢炙去皮子搗末取少許着齒痛上差

又方以松栢脂捏銳如錐柱齧孔內須更齧蟲緣

松脂出即差

又方以雞舌香半兩以水一中盞煎至六分去滓

熟含冷吐

虫齒千金翼治蟲蝕齒疼痛方

右閉氣細書曰南方赤頭蟲飛來入某姓名裂齒裏今得蝎蟲孔安置耐居上急急如律令小牋紙內着屋柱北邊蝎蟲孔中取水一杯禹步如禁法還誦上文以冰沃孔以淨黃土泥之勿令泄氣永愈

又治蟲蝕齒根肉黑方

右燒腐棘取諸塗之十遍雄黃末傅即愈若齒黑者以松木灰指之細末雄黃塗斷百日日再塗之七日慎油猪肉神效

又治齒疳方

右以檐一枚冷病人蹲坐橫檐於膝上引兩手尋使極住手伸中指灸中指頭檐上三壯兩頭一時下火病人口誦呪曰噉牙蟲名字鶴莫噉牙莫噉骨灸人亦念之

又治裂齒方

右以腐棘針二百枚以水二升煮取一升含漱之日四五差止

又方取死曲蟾末傅痛處即止

日華子治小兒風疳牙方

右濃煎郁李仁水含之



聚寶黃龍散

治齒斷疳蝕有竅子不合者

龍寶

龍骨中有之深黃或淡黃土蝎色緊掬人舌者是

白礬灰

蝸牛殼

南粉

牛黃

各壹錢

右五味為末每用少許貼竅子內時時用之

齒落久不生千金方

右以牛屎中大豆二七枚小開豆頭以注齒根處數度即生

經驗方

治小兒大人多年牙齒不生

右用黑豆三十粒半糞火內燒令煙盡細研入麝香少許一處研勻先以針挑不生齒處令血出用

末少許搯不得見風忌酸鹹物

聖惠治齒落久不生方

右取路傍遺却稻粒於齒落處點三七下其齒自生神效

靈苑治大人小兒生齒神驗方

右用雄雌雞糞各十四顆焙乾同研如粉入麝香少許仍先以針挑破損齒脚下血出將散子傅之  
又年高者不過二十日生年少者十日不計傷損及少自退落並再生

頰車蹉閃

千金治失欠頰車蹉閃不合方

右用一人以手指牽其頤以漸推之則復入矣推當疾出指恐誤齒傷人指也

又方 消蠟和水傳之

又方治牙車急口眼根引舌不轉方

牡蠣熬

伏龍肝

附子 炮去皮

礬石 燒

右四味等分末之以白酒和為泥傳其上乾則易之取差止

千金灸法失欠頰車蹉灸背第五椎一日二十七壯滿三日未差灸氣衝二百壯曾前喉下甲骨中是亦

名氣堂

又灸足內踝上三寸宛宛中或三寸五分百壯三報此三陰交穴也

耳

張漢小兒耳中諸病由風入於腦停積於手太陽之  
脉則令耳聾風與濕相搏則兩耳生瘡又兒稍大見  
月初生以手指之則耳下生瘡者名月蝕瘡又乳母  
與兒洗浴慢冷水入耳中水濕停積搏於血氣蘊結  
成膿謂之聾耳 聾耳者心腎之竅肝膽之經也心  
腎主內症精血不足肝膽主外證風熱有餘或聾聵  
或虛鳴者稟賦虛也或脹痛或膿痒者邪氣客也稟  
賦不足宜用六味地黄丸 肝經風熱宜用柴胡清

此三句與耳中  
天灸式商通上三寸  
中灸三寸五分  
耳中

肝散若因血燥用梔子清肝散發熱未應佐以六味丸若因腎肝疴熱朝用六味丸夕用蘆薈丸若因食積內熱用四味肥兒丸若因乳母膏粱積熱而致者宜加味清胃散齒痛脾經鬱結而致者加味歸脾湯驚悸肝經怒火而致者加味道遙散虛熱皆令乳母服之兼與其兒少許不可專於治外不惟閉塞耳竅抑亦變生他證延留日久遂成終身之贖矣慎之 寶鑑歌云太陽入耳損聽聰氣滯時多耳必聾鳴是風并氣相繫痛應腦戶有邪風腎熱鬱蒸聾耳患日深疼痛出稠膿不有稠膿非此

患只因滴水入其中

**耳聾**巢氏云手太陽之經入於耳內頭腦有風入乘其脉與氣相搏故令耳聾

聖惠治小兒風熱兩耳聾鳴方

遠志

去心

甘草

炙微

柴胡

去苗

菖蒲

各壹分

磁石

參分搗碎水淘去赤汁

麥門冬

去心焙半兩

右搗細羅為散每服以葱白湯調下半錢日二服量兒大小以意加減

張渙通鳴散 治耳聾

耳

耳

耳

菖蒲 壹寸 玖

遠志 壹兩 去心

柴胡 去苗

麥門冬 去心

防風 各半

細辛

甜葶藶 各壹分

巴上擣羅並為細末次入

磁石

壹分 擣碎 水淘去赤汁 杏仁 貳半箇 湯浸 去皮尖 研

右件都研勻每服半錢煎蔥白湯調下日二乳後

聖惠細辛膏 治小兒耳聾或因腦熱或因水入或因吹着並宜用此

細辛

防風 去蘆

川大黃 剉微

黃芩 各壹分

川椒 拾粒 去目

蠟 半兩

右件藥細坐用清麻油三合煎藥紫色濾過下蠟

候消為膏每日二度用一大豆大點於耳中

聖惠治小兒耳聾不差方

甜葶藶

杏仁 湯浸 去皮

鹽 各等分

右件藥擣研如膏以少許豬脂和合煎令稠以綿

裹如麩核大塞耳中日一易之

又方

松脂

菖蒲 末

烏油麻 各半兩

右件藥相和擣熟綿裹如一紅豆大塞耳日一易

又方

菖蒲

末 壹分

杏仁

湯浸 去皮尖 研如泥 半兩

右相和研令乳入每用少許綿裹內耳中日一易

又方  
右取葱白於燂灰中煨令熟以葱白頭內耳中日  
三易

又方  
蓖麻子去皮拾枚棗肉一枚同搗如膏每取蕤核大綿裹  
少許塞耳中日一易

又方  
右搗芥子令爛以人乳和絲裹少許塞耳中日一  
易之

麝香散 治沉耳

麝香少許

白礬壹錢

五倍子貳錢

右件為末紙撚子點入耳中少許

耳鳴 巢氏云邪氣與正氣相搏故令耳鳴又即邪氣  
停滯遂成聾也

葛烏散 治小兒耳自鳴日夜不止

葛蒲

烏頭炒各

右為末綿裹內耳中日再

耳中痛

千金翼治耳夜痛方

耳

附子炮去皮 菖蒲

右二味等分裹塞之

**耳瘡** 證治見心部瘡瘍條

**聾耳** 巢氏云耳宗脉之所聚腎氣之所通小兒腎藏

盛而有熱者熱氣上衝于耳津液壅結即生膿汁亦

有因沐浴水入耳內而不傾瀝令盡水濕停積搏於

血氣蘊結成熟亦令膿汁出皆為之聾耳久不差即

變成聾也

張渙紅藍花散 治聾耳久不差

紅藍花洗焙 黃礬劉各壹兩 烏魚骨

黃芩各半 已上搗羅為細末次用

雄黃水磨細 麝香壹分研細

右件都研勻細以絲纏搵藥塞耳中日再換

田氏紅玉散 治小兒膿耳

枯白礬 乾腦脂 麝香各壹錢

右同研勻先以綿裹杖子擦淨搽之

湯氏龍黃散 治小兒停耳汁出不止

枯白礬 龍骨末 黃丹炒各半兩

麝香壹錢

右同研細先以綿杖子擦膿水盡用散一字半分

為兩處吹入耳內日二次

丹傳耳硫黃末傳之日一夜一妙

秘要用蚰蟥灰末吹入立效有瘡者傳之孫真人方同

薛氏云諸外治方但可治腑證之輕者若係肝經

風熱血燥等證必依前方論內服合宜之藥外用

此以收膿濕亦無不可若專泥攻而失內治誤矣

百蟲入耳 詳見雜病準繩

# 五軟

五軟者頭軟項軟手軟脚軟肌肉軟口軟是也無故

不舉頭腎疝之病項脉軟而難收治雖暫瘥他年必

再發手軟則手垂四肢無力亦懶擡肩若得聲圓還

進飲食乃慢脾風候也尚堪醫治肌肉軟則肉少皮

寬自離契食不長肌肉可服錢氏橘連丸虛羸莫教瀉

利頻併却難治療脚軟者五歲兒不能行虛羸脚軟

細小不妨榮衛但服參耆等藥併服錢氏地黃丸腎

長大自然肌肉充滿口軟則虛舌出口陽盛更須隄



防必須治，膈却無妨，唇青氣喘則難調治也。薛夫  
頭軟者，臟腑骨脈皆虛，諸陽之氣不足也。乃天柱骨  
弱，腎主骨，足少陰太陽經虛也。手足軟者，脾主四肢  
乃中州之氣不足，不能營養四肢，故肉少皮寬，飲食  
不為肌膚也。口軟者，口為脾之竅，主下齦，屬手足陽  
明陽明主胃，脾胃氣虛，舌不能藏而常舒出也。夫心  
主血，肝主筋，脾主肉，肺主氣，腎主骨，此五者皆因稟  
五臟之氣虛弱，不能滋養充達，故骨脈不強，肢體痿  
弱，原其要總歸於胃，蓋胃水穀之海為五臟之本，六  
腑之大源也。治法必先以脾胃為主，俱用補中益氣

湯以滋化源，頭項手足三軟，兼服地黃丸。凡此證必  
須多服二藥，仍令壯年乳母飲之，兼慎風寒，調飲食  
多能全形。曾戴氏論五軟證名曰胎怯，良由父精  
不足，母血素衰，而得誠哉。是言以愚推之，有因母血  
海久冷，用藥強補有孕者，有受胎而母多疾者，或其  
父好色貪酒，氣體虛弱，或年事已邁而後見子，有日  
月不足而生者，或投墮胎之劑不去而竟成孕者，徒  
爾耗傷真氣，苟或有生，譬諸陰地淺土之草，雖有發  
生而暢茂者少，又如培植樹木，動搖其根而成者鮮  
矣。由是論之，嬰孩怯弱，不耐寒暑，縱使成人亦多有

疾爰自降生之後精髓不充筋骨痿弱肌肉虛瘦神  
色昏慢才為六淫所侵便致頭項手足身軟是名五  
軟治法用調元散補腎地黄丸漸次調養日久乃安  
若投藥不效亦為廢人○有小兒體肥容壯不為瘦  
瘁忽然項軟傾倒此名下窳皆因肝腎氣虛客邪侵  
襲風府傳於筋骨故成斯疾蓋肝主乎筋腎主乎骨  
筋骨俱弱則項軟垂下無力又名天柱倒與五軟相  
類不遠治同前藥 吳江史萬湖子七歲患吐瀉顛  
目顛陷天柱骨倒兼面赤色先用補中益氣湯加附  
子一劑吐瀉止而諸證愈又用錢氏地黄丸料煎服

顛安 一小兒七歲夏間過食生冷之物早間患吐  
瀉面赤作渴手足並熱項軟顛陷午後面色頓白手  
足並冷脈微欲絕急以六君子湯加附子一劑諸證  
頓退顛頂頓起而安小兒元氣易虛易實故雖危證  
若能速用對病之藥亦可回生者 一小兒九歲因  
吐瀉後項軟面白手足並冷脈微細飲食喜熱余先  
用六君子湯加肉桂五劑未應更加炮薑四劑諸證  
稍愈面色未復尺脈未起佐以八味丸月餘面色微  
黃稍有胃氣矣再用前藥又月餘飲食略增熱亦大  
減乃朝用補中益氣湯食前用八味丸又月餘元氣

漸復飲食舉首如常又月餘而肌肉充盛諸病悉愈  
一小兒十一歲瘡疾後項軟手足冷飲食少思粥  
湯稍離火食之即腹中覺冷用六君子湯加肉桂乾  
薑飲食漸加每飲食中加茴香胡椒之類月餘粥食  
稍可離火又用前藥百劑飲食如常手足不冷又月  
餘其首能舉後飲食停滯患吐瀉項仍痿軟朝用補  
中益氣湯夕用六君子湯及加減八味丸兩月餘而  
項復舉畢姪後眼目昏花項骨無力頭自覺大用八  
味丸補中益氣湯三月餘元氣復而諸證退後每入  
房勞役形氣殊倦盜汗發熱服後二藥即愈 一小

兒十五歲手足痿軟齒不能嚼堅物內熱晡熱小便  
澀滯如淋服分利之劑小便如淋服滋陰之劑內熱  
益甚服燥濕之劑大便重墜余謂此稟腎氣不足早  
犯色慾所致故精血篇云男子精未滿而御女以通  
其精五臟有不满之處異日有難狀之疾老人陰已  
痿而思色以降其精則精不出而內敗小便澀痛如  
淋若陰已耗而復竭之則大小便牽痛愈痛則愈便  
愈便則愈痛正謂此也遂朝用補中益氣湯夕用六  
味丸加五味子煎服各三十餘劑諸證漸愈後夢遺  
諸證復作手足時冷痰氣上急用十全大補湯加減

八味丸料各八劑二便稍利手足稍溫仍用前二藥  
三月餘元氣漸復飲食如常又飲食停滯吐瀉腹痛  
按之不疼此脾胃受傷也用六君子湯加木香肉豆  
蔻治之其吐未已左尺右關二脈輕浮大按之如  
無經云腎開竅于二陰用五味子散四服大便頓止  
後又傷食燕酸作瀉大便重墜朝用補中益氣湯夕  
用六君子湯加木香乾薑而痊 一老年得子四肢  
痿軟而惡風寒見日則喜余令乳母日服加減八味  
丸三次十全大補湯一劑兼與其子年餘肢體漸強  
至三週而能行 一小兒五歲稟父腿軟不便於行

早喪天真年至十七畢姻後腿軟頭顛自覺開大喜  
其自謹寓居道舍遂朝服補中益氣湯夕用地黃丸  
料加五味子鹿茸煎服年餘而健 一小兒項軟服  
前二藥而愈畢姻後患解顛作渴發熱以一藥作太  
劑煎熟代茶恣飲兩月餘而渴熱減年餘而顛顛合  
又年餘而肢體強若非慎疾雖藥不起

**天柱倒** 王先生云小兒父患疔疾體虛久不進飲食  
患來日久諸候退只是天柱骨倒醫者不識謂之五  
軟候須進金靈散生筋散 形證論歌天柱纔倒道  
難醫筭來此病非心脾若患先須因吐瀉不曾調氣

五轉  
至<sub>三</sub>疋羸大患傷寒無汗脉鳳隨經此一句云却定應妙藥療他遲無此卒然生此患又兼不辨四肢肥身軟難堪頭似石面紅唇赤臉如緋此病多應傷腎熱後來因熱病相隨此兩句在鳳隨經即云此患只應傷肝肝受熱風天柱倒但將涼藥與維持貼須性熱筋方緩立見溫和請莫疑吐瀉項軟唯調氣傷寒柱倒不須醫此或傷寒或吐或瀉乘虛邪毒透入肝脉熱邪所侵是致令筋軟長或手足軟而不解舉或項頸軟而不解舉若有前證即須涼膈若吐瀉則先調胃氣貼項并服涼肝膽藥不可太熱亦恐過冷

金靈散

右用白僵蠶不拘多少直者去絲炒為末每服半錢一錢薄荷酒調下一日三服更須用生筋散貼之

生筋散

木鼈子

參箇

蓖麻子

參拾箇

右各取肉同研每用一錢許津唾調貼急抱指項上令熱貼之

四十八候貼項藥方

川烏頭

白芷

地龍

五靈脂

赤小豆 各等分

右末生薑自然汁與酒同調貼在項上更服竹茹散

竹茹散

菊花 叁錢

黃芩

人參 各叁錢

大黃 半兩

甘草 貳錢

右為末竹葉煎湯下

三十六種貼項藥方

草烏頭

赤小豆 各等分

右為末薑汁調攤帛子上貼經宿項立起

貼頭起項膏

治小兒肝熱膽冷頭項軟倒

川烏 末

肉桂 末

芸薹子

天南星

蓖麻子 各壹錢

黃丹 炒壹錢七

右大蒜一頭煨熟去皮乳鉢內研和藥細每用一錢入米醋和勻貼項上一日許

狼毒丸 治小兒膽熱肝風天柱倒折宜服此藥更

用前起頭貼項藥

狼毒 酒浸焙

白附子

大附子 尖

天麻

防風

羌活 已上各壹分

朱砂

地龍 去土各壹錢

麝香 半字

右為細末法酒煮糊為丸如小豆大每服七丸至十五丸用黑豆薄荷湯入酒一滴吞下

# 五鞭

五鞭者仰頭取氣難以動搖氣壅作痛連於胸膈脚  
手心冷而鞭此陽氣不營於四末也經曰脾主四肢  
又曰脾主諸陰今手足冷而硬者獨陰無陽也故難  
治若肚筋青急者木乘土位也急用六君子湯加炮  
薑肉桂柴胡升麻以復其真氣若係風邪當參驚風  
治之此證從肝脾二臟受惠當補脾平肝仍參急慢  
驚風門治之 百問云如審係風證依中風治之必  
有回生之理小續命湯加減

小續命湯 治中風不省人事涎鳴反張失音厥

麻黃

去節

人參

黃芩

川芎

芍藥

甘草

杏仁

去皮尖炒

漢防已

官桂

去皮各半兩

防風

柴錢半

附子

炮去皮臍柴錢半

右除附子杏仁外擣為籠末次入二味夾和每十

錢薑棗煎食前服有熱去附子官桂減半

經云諸暴強直皆屬於風故收此方非的風證勿

用

# 寒熱往來

凡寒熱往來無定期其有定期者瘧也 巢氏曰風

邪外客於皮膚而痰飲內漬於腑臟致令血氣不和

陰陽更相乘剋陽勝則熱陰勝則寒陰陽之氣為邪

所乘邪與正相干陰陽交爭時發時止則寒熱往來

也 全生指迷論曰若其人翕翕如熱淅淅如寒無

有時度支節如解手足酸疼頭目昏暈此由榮衛虛

弱外為風邪相乘搏於陽則發熱搏於陰則發寒又

不治成勞宜荆芥散 又曰若寒熱如瘧不以時度



腸滿膨脹起則頭暈大便不通或時腹痛胸膈痞悶  
 此由宿穀停留不化結於腸間氣道不舒陰陽交亂  
 宜備急丸 經曰陽虛則外寒陰虛則內熱陽盛則  
 外熱陰盛則內寒寒熱往來此乃陰陽相勝也故寒  
 氣并於陰則發寒陽氣并於陽則發熱寸白脉微為  
 陽不足陰氣上入陽中則惡寒尺脉弱為陰不足陽  
 氣下入陰中則發熱陽不足則先寒後熱陰不足則  
 先熱後寒陰陽不歸其分則寒熱交爭也又上盛則  
 發熱下盛則發寒陽盛則乍熱陰盛則乍寒陰陽相  
 勝虛實不調故邪氣更作而寒熱往來或乍寒乍熱

也少陽膽者肝之府界乎太陽陽明之間半表半裏  
 之分陰陽之氣易於相乘故寒熱多主肝膽經證以  
 小柴胡湯加減調之若祇見寒熱起居如常久而不  
 愈及大病後元氣未復悉屬陰虛生熱陽虛生寒宜  
 用八珍湯虛補之甚者十全大補湯汗有食積為病  
 亦令寒熱用保和丸宿食消之若無嘔吐泄瀉用六君  
 子湯瀉厥冷飲熱人參理中丸瀉作渴不止七味白  
 朮散渴食積既消而寒熱尚作者肝邪乘脾所勝侮  
 所不勝也用異功散瀉加柴胡山梔其瘡證寒熱詳  
 見瘡門

食積

湯食積寒熱如瘧渴瀉氣急要合地臥此候先當取  
下積只用平胃散次常服進食丸平胃散見不乳食  
進食丸見積錢曹宜德子三歲面黃時發寒熱不欲食而飲水及  
乳不止眾醫以為潮熱用牛黃丸不愈及以止渴乾  
葛散服之反吐錢曰當以白餅子下之後補脾乃以  
消積丸磨之此乃解也後果愈何以故不食但飲水  
者食伏於脾內不能消化致令發寒熱用止渴藥吐  
者藥衝脾故也故下之即愈

實熱

子和高巡檢子八歲病熱醫者皆為傷冷治之以熱  
藥欲飲水水禁而不與內水涸竭煩躁轉生前後皆

閉口鼻俱乾寒熱往來咳嗽時作遍身無汗又欲灸  
之適遇戴人戴人責其母曰重裊厚被煖炕紅爐兒  
已不勝其熱尚可灸乎其母謝以不明戴人令先服  
人參柴胡飲子遂連進數服下爛魚腸之類臭氣異  
常渴欲飲水聽其所欲水雪冷水連進數杯節次又  
下三四十行大熱左去又與通膈丸牛黃丸復下十  
餘行兒方大痊前後約五十餘行略計所用冰雪水  
飲計一斛向灸之當何如哉

太醫局小柴胡湯 治大人小兒傷寒溫熱病身熱  
惡風頸項強急胃滿脇痛嘔噦煩渴寒熱往來身

面皆黃小便不利大便秘或過經未解或潮熱  
不除及差後勞復發熱頭痛婦人傷風頭痛煩熱  
經血適斷寒熱如瘧發作有時及產後傷風頭痛  
煩熱並宜服之

柴胡 去蘆頭 秤半斤

黃芩

人參 去蘆頭 秤

甘草 炙各 參兩

半夏 湯洗 柴次焙 乾 秤貳兩半

右五味同為麤末每服三大錢以水一盞半入生薑五片棗壹枚擘破同煎至七分濾去滓稍熱服不拘時小兒分作一服更量大小加減  
張渙秦艽湯 治小兒寒熱往來

秦艽 去苗

鼈甲 醋炙 微黃 去 羸爛 各壹兩

川大黃 剉碎 微炒

麻黃 去根節 各半兩

竹茹

甘草 炙各 壹分

右件搗羅為麤散每服一錢水一盞入蔥白二十寸同煎至五分去滓溫服量兒大小加減

人參前胡散

人參 去蘆頭

前胡

柴胡 去苗 各 壹兩

桔梗

地骨皮

甘草 炙

半夏 湯洗 米遍焙 乾 各半兩

右件搗羅為細末每服一大錢水一小盞入生薑

芍藥湯  
一斗片煎至半盞去滓放溫服量兒大小加減

赤芍藥 壹兩

黃芩

當歸 剉焙

柴胡 各半

肉桂

甘草 壹分

右件搗羅為細末每服一錢水八分一盞入生薑二片棗一枚同煎至五分去滓溫服量兒加減

王氏手集柴胡人參湯 治小兒脾熱生風往來寒

執子和柴胡飲子有黃芩大黃當歸無茯苓

柴胡

人參

芍藥

茯苓

甘草 各等分

右每服二錢水一盞入生薑三片煎至四分溫服  
全生指迷荆芥散

荆芥穗

人參

白朮

當歸 切洗

黃耆

芍藥

桂 去粗皮

柴胡 去苗

甘草 炙半

右為麤末每服五錢水二盞煎至一盞去滓溫服  
全生指迷備急丸

大黃 濕紙裹煨

巴豆 去皮心

乾薑 去皮各

右為細末煉蜜和丸如豌豆大每服一九米飲下  
羸人服一九如棗豆大以大便快利為度

嬰孩  
寒熱

千金治小兒生一月至五月作寒作熱方

右細切柳枝者取汁洗兒若渴絞冬瓜汁飲之  
水鑑孩子百日內忽有寒熱何以治之與冷藥喫即  
乳寒嘔逆若與熱藥治之其病加甚無神法聖術因  
循喪兒之命博覽石室祕方用之應妙歌云

桃花廕末一錢餘甘草衝湯力更殊藍花只消一  
兩字陰灌之入口立消除 右三味為末每服半  
錢湯調灌之

莊氏家傳療少小卒寒熱不佳不能服藥李葉浴兒  
方

煩滿

右用李葉不拘多少煮湯浴兒又白芷

玉訣云先調氣次解虛熱熱不去下真珠丸取又苦參

真珠丸 治小兒寒熱虛積五臟煩滿及下風涎積

滯驚食疳積

南星

半夏

滑石各末

輕粉肆錢七

巴豆貳米粒

右末之麵糊丸芥子大每服十五二十九煎葱湯  
吞下

嬰孺六味湯 治少小寒熱進退啼呼腹痛

地黃

桂心各捌分

芍藥

能食  
不生  
肌肉

寒水石

黃芩炙

甘草炙各

右切細以水三升煮一升半一歲兒二合至三合量與服之

大黃丸 療小兒寒熱食不生肌肉

大黃壹兩蒸之 桂心

乾薑炮各貳分

巴豆伍拾粒去 消石參分熬無者

右五味搗篩四味別搗巴豆令如泥合和以蜜更搗二千杵丸如梧子每一丸湯服之但熱在膈上當吐在膈下當利預作粥如服已吐下丸法服藥兩食頃不吐下以熱飲動之若不得吐下可更服

一丸半能藥壯人可二丸此藥優於他下藥丸故宜大小下多冷粥解之若有瘡綿挺如指蜜和一丸塗挺頭且內瘡中囑出之不差更作溫病不得大便服之得下佳宿食不消亦服之飛尸遁尸漿服半丸日一應須臾止心腹脹滿痛服一丸瘡者依發日宿勿食清晨服一丸丁壯人服一丸得吐下忍飢過發時乃食婦人產後血結中奔走起上下或絕產無子或月經不調面目青黃服半丸小兒淋瀝寒熱臚脹大腹不欲食食不生肌三四歲如麻子大一丸日一服六七歲兒服二丸比三十

日心腹諸病差見小半之愈大良忌野豬肉蘆笋  
生蔥 按病兒若無實積或有積而虛皆不宜用  
此若疳勞一路自當求之肥兒之屬

聖惠柴胡散 治小兒寒熱往來乳食不下四肢無

力心腹脹滿上焦痰壅漸漸羸瘦

柴胡 去苗

鼈甲 塗醋炙令黃色  
去羶爛各壹兩

人參

前胡

桔梗

訶梨勒皮

地骨皮

赤芍藥

杏仁

湯浸去皮尖雙  
仁麩炒微黃

甘草 炙微赤

陳橘皮

湯浸去白焙  
各半兩

右件藥搗篩為散每服一錢水一小盞煎至五分

去滓不計時候溫服量兒大小加減

五味子散 治小兒寒熱往來不欲乳食羸瘦心脹

五味子

當歸 剉碎  
微炒

人參

桔梗

前胡 各去  
蘆頭

白朮

赤茯苓

黃芩 各用  
壹分

甘草 半分炙  
微赤剉

麥門冬 半兩去  
心焙

右件藥搗羅為散每服一錢以水一小盞煎至

五分去滓溫服日三四服更量兒大小以意加減

人參散 治小兒寒熱往來食少羸瘦

人參 去蘆頭

黃芪 剉

柴胡 去苗

白茯苓

鼈甲 塗醋炙令黃去羶

木香 各半

甘草 炙微黃

白朮

桃仁 湯浸去皮尖雙仁麩

炒微黃 各壹分 訶梨勒皮 叁分

右件藥搗細羅為散不計時候以粥飲調下半錢

量兒大小加減服之

黃芪丸 治小兒往來寒熱多汗心煩小便赤黃不

欲乳食四肢羸瘦

黃芪 剉

麥門冬 去心

赤茯苓

白朮

子芩

甘草 各壹分

柴胡 去苗

鼈甲 塗醋炙令黃去羶

右件藥搗羅為末煉蜜和丸如菉豆大每服以粥

飲下五丸日三四服量兒大小加減

張煥香甲散 治寒熱往來肌瘦

鼈甲 酥炙黃

木香 各壹

川大黃 微炒

陳橘皮 去白

當歸 洗焙

柴胡 去苗

知母

甘草 炙各半兩 檳榔 叁枚

右件搗羅為麤散每服一錢水一小盞入生薑二片煎至六分去滓溫服量兒大小加減



吳素行

卷九

百九

*[Faint bleed-through text from the reverse side of the page]*

# 瘧

以下俱雜病於五藏無所傳故列于後

婁治小兒瘧疾多與大人同法以出汗為瘧宜桂枝柴胡麻黃參苓等輩又視其病食病痰以意消息之太抵多是飲食失節得之須以消導為先可也

曾

內經瘧論瘧瘧皆生於風而發作有時何也岐伯曰夏傷於暑秋必病瘧謂腠理開而汗出遇風或得於澡浴水氣舍於皮膚因衛氣不守邪氣并居其疾始作伸欠寒慄腰背俱痛骨節煩疼寒去則內外皆熱頭疼而渴乃陰陽二氣交爭虛實更作而然陰氣獨

瘧

力十九

百九

盛則陽虛故先寒戰慄腰背頭項骨節皆痛陽氣獨  
勝則陰虛故先熱發時不嗜食善嘔頭疼腰痛小便  
不利陰盛陽虛則內外皆寒陽盛陰虛則內外俱熱  
此外感六淫或內傷七情蘊積痰飲病氣與衛氣併  
居故病日作衛氣晝行於陽夜行於陰得陽而外出  
得陰而內薄內薄五臟病氣深入不能與衛氣俱出  
則間日而作當衛氣所至病氣所在則發在陽則熱  
在陰則寒經曰亢則害極乃反俟陰陽各衰衛氣與  
病氣相離則病休陰陽相搏衛氣與病氣再集則病  
復各隨其衛氣之所在與所中邪氣相合而然也先

寒後熱者先傷寒而後傷風名曰寒瘧先熱後寒者  
先傷風而後傷寒名曰溫瘧但熱不寒者名曰瘧瘧  
身重寒熱骨節痛腹脹滿自汗善嘔名曰濕瘧但寒  
不熱者名曰牝瘧蓋瘧之為病為證非一故處方之  
制隨其陰陽虛實脈病證治汗吐下溫對證施治以  
平為期然百病中人必因其正氣之虛感受邪氣留  
而不去其病為實自表傳裏先汗後下古今不易故  
治瘧之法必須先表用百解散驚水薑葱煎投次小  
柴胡湯往來寒熱加桂水薑棗煎服以和解表裏之邪自  
然作效 若表裏實用當歸散潮熱五和湯裏熱或烏犀

九積六聖丸積下之勻氣散止補後以藿香飲乳  
食加草菓良薑水薑棗煎投正胃氣去寒邪則自平  
復如解表後寒熱往來以二仙飲截之寒熱既  
除用平胃散不乳加茴香湯腹和勻鹽湯空心調服  
溫胃燥脾進美飲食使中州之土既實則外邪不戰  
而自屈此為明論有寒多熱少經又不愈致脾胃  
弱飲食減神色變二薑丸木及清脾湯條為治醉  
經曰夏傷於暑秋必痲瘧其證先起於毫毛伸欠乃  
作寒慄鼓頷腰脊俱痛寒去則內外皆熱頭漏如破  
渴欲冷飲蓋邪氣并於陽則陽勝并於陰則陰勝陰

勝則寒陽勝則熱陰陽上下交爭虛實更作故寒熱  
間發也有一日一發二日一發三日一發有間一日  
連二日發有日與夜各發有上半日發下半日發及  
發於夜者有有汗有無汗此其略也以詳言之當分  
六經五臟及痰食勞暑鬼瘴之不同六經五藏瘴詳見雜病準繩  
痰瘴者胸膈先有停痰因而成瘴令人心下脹滿氣  
逆煩嘔是也食瘴者是飲食傷脾其人噫氣吞酸胸  
膈不和是也勞瘴者久而不瘥表裏俱虛客邪未散  
真氣不復故疾雖間遇勞即發是也暑瘴者其人面  
垢口渴雖熱已退亦常有汗是也鬼瘴者進退無時

是也瘴瘧者感山嵐瘴氣其狀寒熱休作有時是也  
久而不愈名曰瘵瘵老瘵也老瘵不愈結癖於  
兩脇之間名曰瘵母此先失於解散或復外感風寒  
內傷飲食故纏綿不已也治法風暑之邪從外而入  
宜解散之解表後即宜扶持胃氣故丹溪曰無汗要  
有汗散邪為主有汗要無汗固正氣為主驟發之瘵  
宜解表又發之瘵宜補脾寒瘵宜溫溫瘵宜和痺瘵  
宜清挾痰則行痰兼食則消食勞瘵宜安暑瘵宜解  
鬼瘵宜祛瘴瘵宜散此亦其略也更以詳言之則熱  
多寒少者小柴胡湯寒多熱少者清脾飲子無汗者

藿枝麻黃各半湯有汗者柴胡桂枝湯汗多渴者白  
虎湯渴而小便不利者五苓散小便赤熱多而渴者  
小柴胡湯熱多汗出腹滿便閉者大柴胡湯渴加葛  
根瘵瘵者二陳湯痰加柴胡黃芩甚者加枳實食瘵  
者先用大安丸宿食次用異功散吐瀉勞瘵瘵瘵並用補  
中益氣湯熱虛暑瘵者十味香薷飲鬼瘵者鬼哭散瘵  
瘵者四獸飲瘵母者鼈甲飲凡脾胃虛而患瘵者不  
拘有汗無汗三陰六經悉以六君子湯為主熱多加  
柴胡山梔寒多加乾薑肉桂有汗加黃芪浮麥無汗  
加蒼朮葛根元氣下陷及肝木乘脾並加升麻柴胡

為善若用青皮草果常山等藥以為攻截良法正氣益虛邪氣益深是多延綿不止而為勞熱者有矣若乳母七情六欲飲食不調或寒熱似瘧肝火熾盛致兒為患者又當治其乳母斯無誤矣

全生指迷論曰寒熱之病或寒已而熱或熱已而寒若寒熱戰慄頭痛如破身體拘急數欠渴欲飲冷或先寒而後熱或先熱而後寒或晡時而發或間日而作至其時便發發已如常此謂之瘧瘧脈自弦弦數多熱弦遲多寒此皆得之於冬中風寒之氣藏於骨髓之中至春陽氣大發邪氣不能自出因遇大暑而

後與邪氣相合而發寒多者宜溫之與薑桂湯熱多者宜解之與枯萸湯寒熱等者宜調之與鼈甲湯大人小兒瘧疾若寒從背起冷大如手不甚戰慄似欲發熱而汗出或即頭痛嘔吐時作其脈遲小此由脾胃素弱因氣寒而收聚水穀不能剋化變而成痰伏痰在內陰上乘陽陽為陰所乘所以作寒逼而成汗宜服旋覆花九牛硫丸

**熱多於寒** 小柴胡湯 往來寒熱

全生指迷 蘇蘇湯

蘇蘇根 肆兩

柴胡 去苗 捌兩

人參

黃芩

甘草炙各參兩

右為麤末每服五錢水二盞生薑三片棗一枚擘破煎至一盞去滓溫服

**寒多於熱**

清脾飲子 治瘰癧脉弦數但寒不熱或

寒多熱少膈滿不食口苦舌乾煩渴小便黃赤大

腸不利

青皮炒

厚朴薑製

白朮

草果

柴胡

茯苓

半夏湯泡米泔水

黃芩

甘草炙各等分

右每服貳錢水煎

全生指迷薑桂湯

乾薑

牡蠣火煨通赤

甘草炙各貳兩

桂去粗皮取心參兩

柴胡捌兩

菘藪根肆兩

黃芩貳兩活人書用參兩

右為麤末每服五錢水二盞煎至一盞去滓溫服

不拘時候

草果飲 治寒多熱少手足厥冷遍身浮腫肚腹疼

痛

厚朴薑製

青皮

草菓

藿香

甘草炙

丁皮

神麩

良薑

半夏麩

右等分咬咀薑棗煎空心服

清脾湯

治諸瘧久不瘥者脾胃虛弱形容憔悴

厚朴

去粗皮薑汁拌勻

烏梅

打破去仁

半夏

湯煮透瀝

良薑

剉用東

青皮

去白

甘草

炙參錢

草菓

炮去殼取

右件咬咀每服二錢水一盞薑二片煎七分末發

前併三服仍忌生冷油膩時果毒物

一薑丸

治瘧疾往來寒熱經久不瘳者

良薑

壹兩剉片

白薑

壹兩剉片巴豆豉粒去殼同炒微黃去巴豆

右為細末用豬膽汁和水煮麩糊丸麻仁大就帶潤以朱砂為衣熱多用溫湯早晨面北空心送下寒多亦於清旦用溫酒面南空心嚥服若寒熱相停用陰陽湯以一半冷水一半熱湯參和是也不拘向南北投服

寒熱相等

胡黃連散

治小兒瘧

人參

胡黃連

草菓

檳榔

甘草

柴胡

各等分

右剉散水一盞煎三分服

張煥桃仁湯

力科九

夏五

桃仁湯浸去皮尖雙仁麩炒微黃

桂心

川升麻各半兩

鼈甲酥炙微黃去

赤茯苓

右為麤散每服壹錢水壹小盞煎至伍分去滓温服量兒大小加減

全生指迷鼈甲湯

鼈甲湯浸刮淨醋炙黃

常山

柴胡去苗各壹兩

牡蠣半兩火

右為麤散每服伍錢水貳盞煎至壹盞去滓温服

寒而不熱張渙烏梅丹 治小兒發寒瘧甚者

烏梅肉壹兩炒乾

母丁香

乾漆微炒

當歸

桂心各半兩羅為粗散次入

麝香貳錢半細研

右件拌勻煉蜜和丸如黍米大每服拾粒粥飲下

量兒大小加減

全生指迷旋復花丸

旋覆花

桂心

枳實麩炒

人參各伍分

乾薑

芍藥

白朮各陸分

茯苓

狼毒

烏頭炮去皮

礞石火煨壹伏時各捌分

細辛去苗



大黃

濕紙裏煨

黃芩

葶藶

炒

厚朴

去粗皮

吳茱萸

炒

芫花

炒

橘皮

洗各

甘遂

炒

右為細末煉蜜和丸如梧子大米飲下三九未知加至七九小兒黃米大二九

半硫丸

半夏

湯洗米

硫黃

貳兩研飛

右為末生薑汁煮麵糊丸如桐子大每服三十丸米飲下不拘時候小兒黍米大三五丸

**熱而不寒湯治癰瘡但熱不寒方用黃丹煨通紅臨**

發蜜湯調下能飲酒用酒調一法專服小柴胡湯

次服人參前胡湯

張煥知母丹治小兒發熱瘧甚著

知母

微炒

鼈甲

酥炙去

川大黃

細剉

赤茯苓

朱砂

細研水飛

川芒硝

川升麻

各半

龍腦

壹錢研

右件同拌勻煉蜜和丸如黍米大每服五粒至七粒生薑湯下大便利下即愈量兒大小加減

活人書治瘧疾但熱不寒者

知母

陸兩

甘草

炙貳兩

石膏

壹斤

善

幼科丸

聖

桂去皮秤 粳米貳合

右剉如麻豆大每服五錢水壹盞半煎至八分去滓服

**外散風暑之邪** 桂枝麻黃各半湯 治發熱自汗或

無汗

桂枝 白芍藥 生薑

甘草炙 麻黃各壹錢 杏仁拾粒湯泡去皮尖

右水壹鍾大棗貳枚煎四分食遠服

知母麻黃湯 治傷寒或十數日或半月二十日終

不惺惺常昏沉似失精神言語錯繆又無寒熱醫

或作鬼祟或作風疾多般治之不瘥或朝夕潮熱  
頰赤或有寒熱似瘧都是發汗不盡餘毒在心胞  
絡間所致

知母 麻黃去節 甘艸炙

芍藥 黃芩各半兩 桂枝去麤皮半兩盛暑者可

右剉散每三錢水一盞煎七分去滓溫服令微汗  
若心煩不眠欲飲水當稍稍與之冷胃氣和即愈  
未汗再服大小加減

**汗** 柴胡桂枝湯 治瘧身熱多汗

痧

外科九

百五

柴胡 捌錢

黃芩

桂枝

芍藥

甘草 各叁錢

半夏 貳錢半

右每服二三錢薑棗水煎

**暑** 白虎加桂湯 治小兒瘧疾發渴

石膏 伍錢碎

知母 壹錢

甘草 伍分

桂枝 伍分

右水壹盞粳米壹撮煎服

十味香薷散

香薷 壹兩

人參

白朮

黃耆

橘紅

白扁豆

乾木瓜

厚朴 薑製

白茯苓

甘艸 各半兩

右為細末每服壹錢不拘熱湯或冷水調下

**內理中氣** 養胃湯 治外感風寒內傷生冷溫中快

高麗參 山嵐瘴氣寒瘧脾胃虛寒

厚朴 薑汁炙

蒼朮 米泔浸去皮剉炒

半夏 湯泡各壹兩

藿香

草果仁

茯苓

人參 各半兩

甘草 炙

橘紅 各貳錢

右剉散每服叁錢水壹盞薑棗片烏梅壹箇煎陸分去滓熱服兼治冷飲傷脾發為瘧疾或中脘虛

瘧

切科九

百五

寒嘔逆惡心寒瘧加桂

又方

陳皮

湯浸去白

甘草

炙

厚朴

薑製

半夏

各泡

人參

各參錢

草果

各貳錢

白茯苓

肆錢

藿香

洗

青皮

去穢

三稜

煨

蓬茂

煨

大腹皮

各壹錢半

蒼朮

烏梅

各伍錢

右剉散每服參錢薑棗水煎

四獸飲 治陰陽相勝結聚涎飲為瘧兼治瘴瘧

半夏

茯苓

人參

白朮

草菓

橘紅

各等分

甘草

減半

右用烏梅薑棗濕紙裹煨香熟焙乾入藥每服二

錢水煎服

鬼瘧鬼哭散

止瘧疾

常山

大腹皮

白茯苓

鼈甲

醋炙

甘州

各等分

右除甘草鼈甲炙外三味不得見火用桃柳枝各

七寸同煎臨發略吐涎不妨只用常山白茯苓甘

草亦効

癰瘡千金大五補湯 治大人小兒時行後變成癰瘡

癰瘡

桂心 壹兩貳錢半

遠志

桔梗

川芎 各貳兩

茯苓

芍藥

人參

白朮

熟地黄

當歸

黃耆

甘艸 各叁兩

竹葉 伍兩

半夏

麥門冬 去心 各壹斤

生枸杞根

生薑 各壹斤

大棗 貳拾枚

右十八味以水三斗煮竹葉枸杞取二斗內諸藥煮取六升分六服一日一夜令盡之小兒量大小

加減以二合至二合漸服至一升止

聖惠犀角散 治小兒熱癰氣為瘡

犀角屑

甘草 炙微赤

川大黃 剉碎

知母 各半兩

鼈甲 壹兩塗醋炙

柴胡

常山 各柒錢半

右搗羅為麤散每服壹錢以水壹小盞煎至伍分去滓溫服日三四服量兒大小加減

截瘡三聖丸 治諸瘡不拘遠近

穿山甲

湯浸透取甲碎到同熟灰

雞骨常山

雞心檳榔

貳味各壹兩

瘡

力斗丸

百

右件再晒為末水煮糯米粉為糊丸菘豆大就帶潤以紅丹為衣陰乾每服參拾丸至伍拾丸未發前隔晚用酒空心投一服重者二服經久不瘥下祛瘡丹

二仙飲 治同前

青蒿 去梗五月五日採晒乾用貳兩 桂枝 去粗皮半兩一味俱剉焙為細末

右每服壹錢寒熱未發前用涼酒調服或先隔晚以酒調下加香薷葉貳兩好茶芽兩半合研成末又名斬邪飲治證同法療暑瘡尤勝服法同前服祛瘡丹 治瘡經久不瘥

常山 細剉貳兩 烏梅 和核壹兩薄剉 紅丹 好者半兩

右除烏梅屋瓦別焙常山或晒或焙仍同烏梅紅丹研為細末糯米粉煮糊丸麻仁大每服三十九至五十九丸未發前涼酒空心送下或隔晚酒下重者二服輕則一服忌雞麵羊生冷飲食毒物

瘡癧 鼈甲飲子 治瘡久不愈腹中結為癥瘕名曰瘡母

鼈甲 醋炙 白朮 黃芩  
草果 檳榔 芩藟  
橘紅 甘草 厚朴

白芍藥各等分

右為吹咀水壹鍾薑叁片棗壹枚煎服

經効瘡丹 治瘡母結癖寒熱無已

真阿魏

雄黃各貳錢半 硃砂壹錢半

右沸湯泡阿魏研散雄朱和之稀麵糊丸梧桐子

大每服壹丸人參湯候冷空心服瘡瘻桃枝湯冷

服臨發磨壹丸傳鼻頭口畔

瘡母丸

鼈甲

醋炙

三稜

莪茂各醋浸透

右為細末神麴糊丸如菘豆大每服貳拾丸白湯

下量寬大小加減 癖消一半即止

消癖丸

芫花

陳久者良好醋煮十數沸去醋以水浸壹宿晒乾

朱砂

另研水飛各等分

右為末蜜丸二百日兒黍米大貳丸日二服不知

稍加之

瘡後浮腫

大腹皮湯

治小兒瘡疾用藥太早退熱

變作浮腫外腎腫大飲食不進

大腹皮

檳榔

三稜

蓬莪茂

各伍錢

蒼朮

枳殼

各貳兩

甘草

叁錢

右劉散每服三錢生薑皮蘿蔔子椒目同煎  
青皮湯 治小兒瘧後浮腫兼寒熱不退飲食不進

- 白朮 茯苓 厚朴 青皮
- 陳皮 半夏 大腹皮 檳榔
- 三稜 蓬莪茂 木通 甘艸各等分

右咬咀每服三錢薑水煎  
按上方皆尅泄元氣之藥若病久脾虛而作腫者當以錢氏異攻散為主少佐以五皮湯方見雜病水腫誤用此必至不救

繼病

# 魛病

魛音奇小鬼也乳下嬰兒未能行而母更有娠其兒病微微下利寒熱去來毛髮鬢鬣以為有惡鬼神道其腹中胎妬嫉而為此故名曰魛病也以他人相近亦能相繼亦曰繼病妊娠婦人不必悉能致魛亦時有此爾女子氣血上為乳汁下為經水小兒飲交乳且病况其太分已榮于胎而乳汁之漓可知能無使兒病乎則又何鬼神之外為也并金炙伏翼熟嚼哺兒而懷妊者帶伯勞鳥毛白馬眼不能滋榮氣血乃徒

後病

力身

百病



剝裂禽獸。海藏云生者為相繼死者為傳尸有脉而無氣謂之尸厥有氣而無脉謂之行尸。丁亥露哺客忤無辜四異病也。陽易陰易百合狐惑四奇病也。

龍膽湯 治嬰兒出腹血脉盛實寒熱温壯四肢驚

掣吐哕者若已能進哺中滿食不消壯熱及變蒸不解中客人鬼氣并諸驚癇方悉主之

龍膽草

柴胡

黃芩

桔梗

釣藤皮

甘州炙

茯苓

芍藥

冬貳錢半

蛻蜋貳枚

大黃煨壹兩

右為剝散以水一升煮取五合為一劑十歲已下小兒皆可服若兒生一日至七日分一合為三服八日至十五日分一合半為三服十六日至二十日分二合為三服二十日至三十日分三合為三服皆以得下為止此劑為出腹嬰兒所作若日月長大者亦依此為例必知客忤及有魅氣者可加人參當歸各貳錢半一百日兒加一錢一字一百日兒加一錢半二歲加半兩餘藥皆做此

聖惠甘草散

治小兒中魅面色白赤而復變青者

如醉色故復發作面赤若青黑色繞口不治覺病  
候晚者死覺之早者所中邪氣未入臟腑又微引  
乳者可服此

甘草 炙微赤

龍骨

赤茯苓

牡礪 燒為粉

生乾地黄

黃芩

桂心 各壹分

當歸 半兩 剉 微炒

右件藥擣麤羅為散每服一錢以水一小盞入淡  
竹葉七片煎至五分去滓入白蜜一錢更煎一兩  
沸量兒大小以意加減溫服日三四服  
大黃丸 治小兒中魁挾實

川大黃 剉碎 微炒

白鮮皮

甘草 炙微赤 各半兩

犀角屑

黃芩

赤茯苓

赤芍藥 各壹分

右件藥擣麤羅為散每服一錢以水一小盞煎至  
五分去滓量兒大小加減日三四服

張渙虎骨丹 治被鬼病

虎頭骨 微炙 鬼白 去毛

草龍膽

鬼箭 各壹兩

琥珀

白膠香 各半兩

右件擣羅為細末煉蜜和丸如黍米大每服十粒  
乳香湯下量兒大小加減

男赤

必赤

百赤

# 客忤

巢氏云小兒中客忤者是小兒神氣軟弱忽有非常之物或未經識見之人觸之與兒神氣相忤而發病謂之客忤也亦名中客又名中人其狀吐下青黃白色水穀解離腹痛反倒天矯面變易五色其狀似癩但眼不上挿耳其脈弦急數者是也若失時不治則難治若乳母飲酒過度醉及房勞喘後乳者最劇能殺兒也其脈急數者宜與龍膽湯下之加人參當歸各如龍膽秤分等多少也

千金論少小所以有客忤病者是外人來氣息忤之

中客中人

客忤

力忤

百忤

川大黃 白朮 甘草 芍藥 芩蒿 附子 干姜 茯苓 白朮 附子 干姜 茯苓 白朮 附子 干姜 茯苓

一名中人是為客忤也雖是家人或別房異戶雖是乳母及父母或從外還衣服經履鬼神麤惡暴氣或牛馬之氣皆為忤也執作喘息乳氣未定者皆為客忤凡小兒衣布帛綿中不得有頭髮履中亦爾白衣青帶青衣白帶皆令中忤凡非常人及諸物從外來亦驚小兒致病欲防之法諸有從外來人及異物入戶當將兒避之勿令見若不避者燒牛屎令常有煙氣置戶前則善小兒中客為病者無時不有此病也而秋初一切兒皆病者豈一切兒悉中客邪切兒所以春冬少病秋夏多病者秋夏小兒陽氣在

外血脈嫩弱秋初夏末晨夕時有暴冷小兒嫩弱其外則易傷暴冷折其陽陽結則壯熱胃冷則下痢故夏末秋初小兒多壯熱而下痢未必悉是中客及魘也若治少小法夏末秋初宜候天氣溫涼有暴寒卒冷者其少小則多患壯熱而下痢也慎不可先下之皆先殺毒後下之耳小兒中客急視其口中懸癰左右當有青黑腫脈核如麻豆大或赤或白或青如此便宜用針速刺潰去之亦可爪摘決之并以綿纏釵頭拭去血也少小中客之病吐下青黃赤白汗腹中痛及反側偃側喘似癰狀但目不上插少睡耳面

變五色其脉弦急若失時不治小久則難治矣欲療之方用豉數合水拌令濕擣熟丸如雞子大以摩兒額上足心各五六遍畢以丸摩兒心及臍上卡行轉摩之食頃破視其中當有細毛即擲丸道中痛即止

真珠散 治客忤驚風鬼疰驚邪痰熱心舍不寧精神不定心常怔忡睡中驚跳時或咬牙五心煩熱有汗兼喘面赤舌白呵欠煩渴小便赤瀉或吐利黃沫常服辟邪安神

- 真珠 海螵蛸 滑石 各壹錢
- 白茯苓 人參 白附子

- 甘草 炙 麝香
- 腦子 另研各 伍錢
- 生珠 另研 壹錢
- 金箔 參拾片

銀箔 貳拾片

右末和勻半錢煎燈心麥門冬湯入蜜少許調服日午臨卧各一

譚氏殊聖治客忤方

忽爾連連哭不休渾身壯熱脉如鉤驚啼不得寤神鬼客忤傷心不自由犀角雄黃相共搗桃符煎水看稀稠人參茯苓車前子丸喫三服請不憂安神丸

客性

幼和九

百九

生犀末

半錢

雄黃

研

人參

茯苓

車前子

各壹分

右為末取桃白皮一兩桃符一兩一味以水三升同煎至一升去滓更煎成膏和前藥丸如麻子大每服三九芍藥湯下

又方 小兒哽氣築心連喘息多愁胃吐涎唯有此疾宜早治為緣客忤氣相煎看看病狀醫難效速取真珠散半錢龍腦生犀香附子小兒餐了保身安

真珠散

真珠末

肆錢

生犀末

貳錢

香附子末

壹錢

龍腦

半字

右同研每服一字桃仁湯調下乳母忌生冷油膩一切毒物半月

張渙辟邪膏 嬰兒血氣未實皆神氣軟弱除父母及乳養之常照管外不可令見生人及抱往別房異戶及不可見牛馬獸畜等其父母家人之類自外及寅夜行歸家亦不可見兒恐經履鬼神粗惡暴氣若犯人令兒吐下青黃赤白水穀解離其狀似發癩者但眼不上戴肌不弦急名曰客忤凡小

客忤

幼科

百七

兒亦有中惡卒暴者亦宜服此藥立至蘇省

降真香

虎頭骨微炒

人參

白膠香

鬼臼去毛

白茯苓

沉香

草龍膽

右件各半兩擣羅為細末次入水磨雄黃半兩細研水飛次研麝香一錢都拌勻鍊蜜和如雞頭大每服壹粒煎乳香湯化下及別丸如彈子大用綠絹袋子盛令兒衣服上帶之仍卧內常燒神妙  
**田**客忤因而驚忤者治法用竈中黃土研二兩雞子枚去殼二件相和入少許水調先以桃柳枝湯浴

兒後將此藥塗五心及頂門上

陳無擇法用竈中黃土蚯蚓尿等分如此

法塗

治卒客忤噤口不能言細辛桂心等分納口中効

元和紀用經療小兒客忤擣菖蒲汁內口中又

生艾汁納口中又磨刀水三四滴妙又用好墨

擣篩和水温服半錢也

**中**人忤茅先生小兒生下犯人禁候面青黑合兩眼

閉吐逆不下乳此候因生下來不免外人看問或有

腋氣或因婦人月假不淨或外人帶邪神觸着生下

來夾故乳哺使觸異氣之物氣血未就又被風邪擊

卷七

方中

百三十一

致此所治者先用朱砂膏積方見驚乳上吮下後用鎮

心丸驚夾醒脾散與服即愈如見不下乳眼視

肚硬死候大凡初生下兒子家中人不見不可便與

外人入房看問人家各有神祇又恐婦人腋氣及月

假不淨觸着恐中客忤此即是養兒之法

千金方剪取驢前膊胛上旋毛大如彈子大以乳汁

煎之令毛消藥成著乳頭上飲之下喉即瘡又燒

母衣帶三寸并髮合乳汁服之又取牛鼻津服之

又取牛口沫傳乳頭飲之

治少小見人來不佳腹中作聲者二物燒髮散方

用向來者人額上髮十莖斷兒衣帶少許合燒灰

細末和乳飲兒即愈

**中馬汗**千金論曰凡諸乘馬行得馬汗氣臭未盥洗

易衣裝而便向兒邊令兒中馬客忤兒卒見馬來及

聞馬鳴驚及馬上衣物馬氣皆令小兒中馬客忤慎

護之特重一歲兒也 其狀腹痛吐下青黃白色水

穀解離甚者致天

千金治小兒中馬客忤法中客中人皆可用

用粉為丸如豉法摩兒手足心及心頭臍上下行

轉摩之呪曰摩家公摩家母摩家子兒苦客忤從



我始扁鵲雖良不如善唾良呪訖棄丸道中

又法

取一刀橫竈上解兒衣發其心腹訖翼發取刀持  
向兒呪之唾輒以刀擬向心腹啡啡音非出煌煌  
日出東方背陰向陽葛公葛公不知何公翼云葛公葛母  
不知子來不視去不顧過與生人忤梁上塵天之  
神戶下土鬼所經大刀環犀對竈君二十七唾客愈  
兒驚唾啡啡每唾以刀擬之呪當三遍乃畢用鼓  
丸亦如上法五六遍訖取此丸破視其中有毛棄  
丸道中人馬客忤即愈矣

簡要濟衆治小兒中馬毒客忤取馬尾於兒面前燒  
令兒嚥烟氣日燒之差為度

又方

取馬口角沫塗兒口中効

# 中惡

巢氏云小兒中惡者是鬼邪之氣卒中於人也無問  
 大小若陰陽順理榮衛平調神守強則邪不干正若  
 精氣衰弱則鬼毒惡氣中之其狀先無他病卒然心  
 腹刺痛悶亂欲死是也凡中惡腹大而滿脉緊大而  
 浮者死緊細而微者生餘勢不盡停滯臟腑之間更  
 發後變為疰也 治法先下蘇合香丸未醒以皂角  
 末搐鼻次服沉香降氣湯加人參茯苓又能辟邪客  
 忤亦宜服

中惡

外科

百三

蘇合香丸 治傳屍骨蒸諸項勞瘵順氣化痰卒暴

心痛鬼魅瘧疾霍亂吐瀉赤白下痢小兒驚搐

蘇合香油 伍錢入安 安息香 壹兩另為末用無

丁香 青木香 白檀香

沉香 萹撥 香附米

訶子 煨取肉 烏犀 鋤屑 硃砂 研水飛

薰陸香 片腦 研各伍錢 麝香 米錢半

右為細末用安息香膏入煉蜜和劑圓如芡實大

空心用沸湯化下小兒一丸老人四丸酒下亦可

用蠟紙裹一丸彈子大用緋絹袋盛常帶之一切

邪神不敢近去腦名麝香蘇合丸治一切邪神及  
胸膈噎塞腸中虛鳴宿食不消餘證並同  
沉香降氣湯

降真香 沉香 白膠香

虎脛骨 酥炙 人參 鬼箭

草龍膽 各伍錢

右為末次入雄黃五錢麝香壹錢煉蜜丸乳香湯

化下又冷兒帶及燒卧內尤妙

葛氏肘後救卒死或先病痛或常居寢卧奄忽而絕

皆是中惡救之方

右取葱黃心刺其鼻男左女右入七八寸小兒量  
度之若使目中血出佳扁鵲法同是後吹耳條中  
葛言此云刺鼻故別為一法

又方 右令二人以衣塞口吹其兩耳極則易人可  
以筒吹之並捧其肩上側身遠之莫臨死人上

又方 右以葱葉刺耳耳中鼻中血出者莫住無血  
難治有血是候時當捧兩手忽放之須臾死人口  
當舉手撈人言痛乃止又男刺左鼻女刺右鼻中  
令入七八寸餘大效小兒量度之亦治自縊死此  
與扁鵲方同

又方 右以綿漬好酒中須臾置死人鼻中手按令  
汁入鼻中并持其手足莫令驚

又方 右視其上唇裏弦有兒如黍米大以針決去  
之

又方 右以小便灌其面數迴即能語此扁鵲法也

又方 右末皂莢如大豆吹其兩鼻中嚏則氣通矣

又方 右割雄雞頸取血以塗其面乾復塗并以灰

管死人一周

又方 以管吹下部令數人互吹之氣通則活

千金治卒忤方 此病即今人所謂中惡者與卒死

鬼擊亦相類為治皆參取而用之

右鹽八合以水三升煮取一升半二服得吐即愈  
備急方云治鬼擊若小便不通筆頭七枚燒作灰  
末和服之即通

聖惠桃奴散 治小兒中惡心腹堅脹疼痛顏色青

黑大便不通

桃奴 伍枚

甘草 壹分炙

麝香 細研 壹錢

杏仁 貳拾枚湯浸去皮尖雙仁麩炒微黃

桔梗 去蘆頭

赤芍藥

黃芩

柴胡 去苗

川升麻

川大黃 剉微炒

鬼臼 去毛各半兩

右件藥搗麤羅為散每服壹錢以水壹小盞煎至  
五分去滓不計時候溫服以利為度量兒大小以  
意加減

聖惠鬼箭羽散

治小兒中惡心堅強卒痛欲困

鬼箭羽

真珠 末各壹分

羚羊角 屑

桔梗 去蘆頭

川朴硝

川升麻

赤芍藥

柴胡 去苗

黃芩 各半兩

桃仁 拾枚湯浸去皮尖雙仁麩炒微黃

川大黃 壹兩剉

右製服法同前

聖惠雄黃丸

治小兒中惡心痛辟除邪氣

雄黃 細研

真珠 末各半兩

麝香

牛黃 各細研 壹錢

巴豆 貳拾粒去皮膜心 研紙裏壓出油

右件藥都研令勻入棗瓢及鍊蜜和圓如粟米大每服以薄荷湯下三丸量兒大小加減服之

嬰孺鬼箭羽湯 治小兒中惡心腹堅強卒痛欲困

鬼箭羽 叁分

朱砂 壹分

羚羊角 屑

桔梗

鬼臼

朴硝 湯成下 各半分

升麻

芍藥

柴胡 各伍分

黃芩 陸分

大黃 捌分

桃仁 肆拾玖箇 炒去皮尖

右以水四升煮一升二合二歲兒為四分更量兒

大小與服之

葛氏肘後灸法以繩圍其死人肘腕男左女右畢伸繩從背上大椎度以下又從此灸橫行各半繩此法三灸各三即起又令爪其病人人中取醒不起者捲其手灸下文頭隨年壯又灸鼻中三壯也又灸頤下宛宛中名承漿穴十壯大効又灸兩足大指爪甲聚毛中七壯此華陀法一云三七壯又灸臍中百壯也

# 卒死

巢氏云小兒卒死者是三虛而遇賊風故無病倉卒而死也三虛者乘年之衰一也逢月之空二也失時之和三也有人因此三虛復為賊風所傷使陰氣偏竭于內陽氣阻隔于外而氣壅閉陰陽不通故暴絕而歿也若腑臟未竭良氣乃蘇亦有兼挾鬼神氣者皆須邪退乃生也凡中客忤及中惡卒死而邪氣不盡停蓄心腹又乃發動多變成疰也

茅先生卒死候眼合齋齒遍身如綿軟面青黑口鼻

冷此候因本生下而遍身熱或因有驚患醫人一向  
退熱不曾下得驚積及妳積遂積聚被邪氣至此  
右前件三箇候都來一般只是要辨元初受惠根  
源治之急下奪命散與吐下風涎醒後便下勻  
氣散二服補除後下朱砂膏鎮心丸與服  
如有伏熱來時即下大附散與調理二三日安  
樂前件三箇形候只是此一般調理上件疾見  
鷓聲上啼偏搐汗如珠不得睡眼障淚出死候不  
治

金匱要略治小兒卒死而吐利不知是何病方

右以馬屎壹圓絞取汁灌之無濕者水煮乾者取  
汁

葛氏肘後救卒死而壯熱者

右用礬石半斤水一升半煮消以漬脚令沒踝

又方救卒死而目閉者

右用騎牛臨面擣薤汁灌之耳中

又方救卒死而四肢不收屎使者

右取牛洞一升温酒灌口中洞者稀糞也

千金卒死無脈無衄形候陰陽俱竭故也

右用牽牛臨鼻上一二百息牛舐必差牛不肯舐者

雜考



鹽汁塗面上即牛肯紙

又方 右炙熨斗熨兩脇下備急方云

治魘死不自覺者方

右用慎燈火勿令人手動牽牛臨其上即覺若卒不能語取東門上雞頭末之以酒服

治卒魘死方 右搗韭汁灌鼻孔中劇者灌兩耳仲張

景云灌口中

治鬼魘不悟方 右末伏龍肝吹鼻中

又方 右末皂莢如大豆許吹鼻中嚏則氣通起死

集驗方云人治中惡

聖惠治小兒卒死方

右取女青末半錢用牛乳汁調服之

又方 右燒積豬糞水解取汁服之

又方 右以苦參醋煮汁少許內口中即蘇水煮赤

得又酒煮爛棺木板取汁服少許

又方 右煎鹽湯令極鹹以物按口開灌之令入腹

即活

又方 以熱湯和灰厚擁身上逡巡即蘇

嬰孺治小兒不知所病便死絕方

右取雄雞冠臨兒口上割血滴入口下即活

卒

外科

類

肘後灸法 卒死而四肢不收尿便者灸心下一寸  
臍上三寸臍下四寸各一百壯兒小者隨年  
千金治卒死 針間使各百餘息  
又灸鼻下人中一名鬼客廳肘後方云  
又治尸厥

# 鬼持

巢氏云小兒神氣軟弱精爽微羸而神魂被鬼所持  
錄其狀不覺有餘疾直爾痿黃多大啼喚口氣常臭  
是也 嬰童寶鑑小兒鬼持歌云小兒氣弱命中衰  
魂魄多應被鬼持其候痿黃多哭地不須用藥可求  
師 鬼氣歌云 鬼氣皮膚裏相傳臟腑間腫虛如  
水病瘰癧似驚癩熱發渾身澀心攣痛所攢小兒還  
有此服藥急須看

圖經治鬼持方 右用虎睛爪并指骨毛以繫小兒

臂上辟惡鬼

外臺深師五邪丸 療邪狂鬼魅妄言狂走恍惚不

識入此為鬼忤當得殺鬼丸方

丹砂

雄黃 各別研

龍骨

馬目毒公

鬼箭 各伍兩

鬼臼 貳兩

赤小豆 叁兩

芫青 壹枚

桃仁 百枚去皮

右九味搗下篩細絹篩合諸藥拌令勻調後內蠟

和之大如彈丸絳囊盛之繫臂男左女右小兒繫

頭合藥勿令婦人鷄犬見之所服蜜和圓如梧子

大一服三丸日三服忌五辛生血物

# 疰病

尸疰 蠱疰

巢氏云疰之言住也謂其風邪鬼氣留人身內也人無問大小若血氣虛衰則陰陽失守風邪鬼氣因而客之留住肌肉之間連滯腑藏之內或皮膚掣動遊易無常或心腹刺痛或體熱皮膚腫沉滯至死死又疰易傍人故為疰也小兒不能觸冒風邪多因乳母解脫之時不避溫涼暑濕或抱持出入早晚其神魂軟弱而為鬼氣所傷故病也

千金治小兒疰方

幼科丸 疰病

右用竈中灰鹽等分相和熬熨之

千金太乙備急散 主卒中惡客忤五尸入腹鬼刺

鬼非及中蠱疰吐血下血及心腹卒痛腹滿傷寒

陰毒病六七日方

雄黃

芫花

桂心

丹砂

蜀椒

藜蘆

巴豆

附子

野葛

右九味巴豆別治如脂餘合治下篩以巴豆合和

更搗令勻調以銅器中密貯之勿泄有急疾水服

一字匕可加至半錢匕老小半之病在頭當鼻衄

在膈上吐在膈下利在四肢當汗出此之所為如

湯沃雪手下皆愈祕之非賢不傳

千金治疰病相染易及霍亂中惡小兒客忤長病方

獺肝

雄黃

莽草

丹砂

鬼白

犀角

巴豆

麝香

大黃

牛黃

蜈蚣

右十味末之蜜圓空腹服如麻子大一圓加至

三圓以知為度

尸疰

巢氏云尸症者是五尸之中一尸症也人無問小大腹內皆有尸蟲尸蟲為性忌惡多接引外邪共為患害小兒血氣衰弱者精神亦羸故尸症因而為病其狀沉嘿不的知病之處或寒熱淋漓涉引歲月遂至於死死又症易傷人故名之為尸症也張渙論小兒亦有症病與太人所病無異久後症易傷人傳染骨肉如尸症蠱毒之類是也

外臺張仲景治大人小兒飛尸走馬湯方

巴豆

去心皮熬

杏仁

去皮尖各貳枚

右二味取綿纏槌令極碎投熱湯二合捻取白汁

服之須臾差未差更一服老小量之通療鬼擊有

尸症者常蓄此藥用驗忌野豬肉蘆筍備急同

聖惠木香散

治小兒尸症心腹滿脹疼痛不可忍

木香

鬼箭羽

桔梗

去蘆頭

當歸

剉微炒

紫蘇莖葉

各半兩

檳榔

叁分

右件藥搗羅為粗散每服壹錢以水壹小盞入生薑少許煎至五分去滓不計時候溫服更量兒大小加減服之

犀角散

治小兒尸症及中惡諸病皆主之

犀角

屑

川升麻

木香

川大黃

剉碎微炒

桑根白皮

剉

檳榔

各半兩

麝香

壹錢細研

桃仁

貳柒枚湯浸去皮尖雙仁麝香炒微黃

右件藥搗細羅為散每服以溫水調下半錢日四

五服更量兒大小加減服之

張渙雌黃丹 治尸疰病

雌黃

各細研

雄黃

各細研

川大黃

慢火炮

鬼臼

去毛各壹兩

桃仁

叁拾箇湯浸去皮尖研

白頭翁

半兩已上並為細末次用

麝香

壹分另研

巴豆

拾粒去皮心膜紙裏壓去油

右件都研勻以羊脂五兩鎔和諸藥成膏每服如

立効湯

黍米大三粒至五粒荆芥湯冷下量兒大小加減

川大黃

炮剉

乾桃柳葉

洗焙乾各壹兩

梔子仁

赤芍藥

各半兩

已上搗羅為細末次用

朱砂

細研水飛壹兩

麝香

別研

雄黃

別研各壹分

右件都拌勻每服壹錢蜜湯調下量兒大小加減

蟲疰

巢氏云人聚蛇蟲雜類以器皿盛之令相噉食餘一存者即名為蟲能變化或隨飲食入腹食人五臟小兒有中者病狀與大人老子無異則心腹刺痛懊悶

雜症

勿科

便

急者即死緩者涉歷歲月漸深羸困食心藏盡利血  
 心藏爛乃至死死又症易傷人故為蠱症也  
 外臺范注療大人小兒蠱症百病癥瘕積聚瘦削骨  
 肉大小使不利卒忤遇惡風臏脹腹滿淋水轉相  
 注殫門盡戶延及男女外孫醫所不能療更生十  
 七物紫參丸方

- 紫參 人參 半夏 湯洗
- 藜蘆 代赭石 桔梗
- 白薇 肉苁蓉 各叁分 石膏
- 大黃 牡蠣 熬 丹參 各壹分

蝦蟆 燒灰 烏頭 炮各肆分 狼毒 柒分  
 附子 炮伍分 巴豆 柒拾枚去  
 右件藥搗篩蜜和為圓以飲下如小豆壹丸日叁  
 服老小以意減之蜂蠆所螫以塗其上神良忌豬  
 羊肉冷水一方無蝦蟆有乾薑四分  
 聖惠殺羊角散 治小兒虫蠱腹內堅如石面目青  
 黃小便淋瀝變易無常

- 殺羊角 屑 藜蘆 各壹兩
- 赤芍藥 牡丹皮 梔子仁 柒枚
- 犀角 屑半兩 黃連 壹分

右件藥搗麤羅為散每服壹錢以水壹小盞煎至五分去滓溫服日三四服更量兒大小加減

又方

敗鼓皮參分炙苦參剉

藜荷根各壹兩

右件藥搗麤羅為散每服壹錢以水壹小盞煎至五分去滓溫服日三四服更量兒大小加減服之

升麻散

治小兒初中蠱毒

川升麻 桔梗去蘆 菰藪根各半兩

右件藥搗為麤散每服壹錢以水壹小盞煎至五分去滓溫服日四五服量兒大小加減

雄黃散 治小兒飛蠱狀如鬼氣者宜服

雄黃

麝香

各細研

犀角

末各半兩

右件藥都研令勻每服以溫水調下半錢匕日四五服量兒大小加減

治小兒五種蠱毒悉主之方

右搗馬兜鈴根細羅為散每服壹錢以水壹小盞煎五分去滓空腹頓服當時隨吐蠱出未快吐即再服

又方 右用敗鼓皮壹片燒灰細研為粉空心以粥飲調服壹錢病人須臾當呼蠱主姓名病便愈



又方 右用薺芫壹兩擣羅為末以粥飲調下壹錢  
甚効量兒大小加減服之

治小兒畏忌中蠱欲效方

右用甘草半兩生剉以水一中盞煎至五分去滓  
分為二服當吐蠱出若平生預防蠱者宜熟炙甘  
草煮汁服之即內消不吐神効

治小兒中蠱毒冷腹內堅痛面目青黃淋露骨立病  
變無常方 右用桃株寄生貳兩擣細羅為散如  
茶點服之日四五服

又方 右用麝香半錢細研空腹以溫水調服即吐

出蠱毒未効再服

治小兒中蠱下血欲死方

右取生赤雌雞翅下血服之立効

又方 右擣青藍汁頻頻與半合服

嬰孺雄黃丸 治小兒疰病諸蠱魅精氣入心入腹  
刺痛黃瘦骨立

雄黃

雌黃 各肆分

丹砂

野丈人

徐長卿 各叁分

大黃 伍分

麝香

參棗大

羚羊角 屑伍分

右為末以青羊脂和丸百日兒酒服黍大三九日

進二服或豆大亦可

張煥雄麝散 專治蠱毒病

雄黃水磨者

麝香別研

殺羊角屑

赤芍藥

敗鼓皮炙黃各壹兩

馬兜鈴根

薺芫

鬼臼去毛各半兩已上除雄黃麝香外搗羅為細末

右件八味都一處拌勻研細每服半錢濃煎甘草湯調下食前

麝犀湯

犀角屑

鬼箭

安息香

水磨雄黃

細研各壹兩

苦參

牡丹皮各半兩

已上搗羅為細末次用

麝香半兩

右件都拌勻每服壹錢水壹大盞煎至五分去滓放溫時時服

夏文十二羊參在物殊貴氣

幼科證治準繩集之九終

寬文十三年癸丑仲秋吉辰

銅駝坊書肆

村上平樂寺刊行



